



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epitome In Qvatro Lib. Sententiarvm M. Petri Lombardi

Spina, Claudius de

Parisiis, 1551

2. de creatione angelorum.

urn:nbn:de:hbz:466:1-38840

E P I T O M E

digniori prius agendum.

DE CREATIONE AN-
gelorum.

D I S T I N C T. Secundæ

C A P. Primum.

*Angelica natura non est producta
ante corporalia.*

*fol. 151. a.
dicitur 17.*

Videtur hoc esse tenendum, quod simul
creata est spiritualis creatura .i. An-
gelica, & corporalis: secundum quod po-
test accipi illud Salomonis, Qui viuit in *ecc. 18*
æternum, creauit omnia simul. i. spiritualem
& corporalem naturã. & ita non prius tem-
pore creati sunt angeli, quàm corporalis ma-
teria 4. elemētōrū. & tamen primò omnium
creata est sapientia (vt dicit Sapiēs.) i. Ange- *ecc. 1.*
lica natura, non tempore, sed dignitate.

Quod August. sup. Gen. apertè ostendit,
dicens per cælum & terram spiritualem &
corporalem creaturam intelligi. & hæc
creata sunt in principio, scil. temporis, vel in
principio, quia primò facta sunt: ita vt ante
ea nihil factum sit, nec etiam tempus. Illa
enim cum tempore creata sunt, nec ex tem-
pore, nec in tempore: sicut nec tempus in
tempore creatum est: quia non fuit tempus
antequàm esset cælum & terra. Vnde Aug.

cap. 6. lib. 5. de Trini. dicit, quod Deus fuit Dominus antequam tempus esset: & non in tempore coepit esse Deus: quia fuit Deus temporis, quando coepit esse tempus. Nec utique tempus coepit esse in tempore, quia non erat tempus antequam inciperet tempus. & August. ait: Nulla creatura est ante secula, sed à seculis, cum quibus coepit. *Quauis obuentione arruui*
 li. 5. in gen. ad lit. c. 19. To. 9. cap. 1. D. Hieron. aliter dicere, videatur in epistola ad Titum. Sed illud dixisse non ita sentiendo, sed aliorum opinionem referendo, arbitramur.

C A P. Secundum. Angeli fuerunt creati in Cælo Emphyreo. *fol. 98. a.*

TEstimoniis euidenter monstratur Angelos ante casum fuisse in cælo, & inde corruisse quosdam propter superbiam, alios autem perstitisse. Vnde Dominus in Euangel. Videbam Sathanam tanquam fulgur de cælo cadentem. quo cælo intelligitur non firmamentum, sed cælum splendidum siue Emphyreum, quod statim factum Angelis est repletum, ut dicunt Strabus & Beda super Iob. & de Cælo Emphyreo illo quidam volunt id intelligi, In principio creauit Deus cælum & terram, &c.

M ij

E P I T O M E

CAP. Tertium. Vtraque natura, visibilis scilicet & inuisibilis, quodammodo informis creata est.

Simul ergo visibilium rerum materia & inuisibilium natura condita est, & vtraque informis fuit secundum aliquid, & formata secundum aliquid. Sicut enim corporaliū materia confusa & permixta (quæ secundum Græcos dicta est Chaos) in illo exordio conditionis primariæ & formam confusionis habuit, & non habuit formam distinctionis & discretionis, donec postea formaretur, atque distinctas reciperet species. Ita spiritualis & Angelica natura in sua conditione secundum naturalem habitum formata fuit: & tamen illam, quam postea per amorem & conversionem à creatore suo acceptura erat, formam non habuit, sed erat informis sine illa. Vnde August. multipliciter exponens *Lib. 1.* præmissa verba Gen. per Cælum dicit intel- *in gen.* ligi informem naturam vitæ spiritualis, *ad lit.* sicut in se potest existere, non conuersa ad *Cap. 1.* creatorem quo formatur: Per terram, corporalem materiam, sine omni qualitate, quæ apparet in materia formata.

Obiectio.

Hic quæri solet si in cælo Empyreo fuerunt Angeli, moxque statim facti sunt, quomodo in Esaia legitur, quod Lucifer di- *Esa. 14*

xerit, Ascendam in cælum, &c. Sed ibi Cælum vocat Dei celsitudinem, cui parificari volebat. & est tale, ascendam in cælum, id est ad æqualitatem Dei.

DE ANGELIS SECUN-
dum suas intrinsecas
conditiones.

DISTINCT. 3. CAP. Primum.

*Angelis suæ creationis initio quatuor
sunt distributa.*

NVnc consequens est inuestigare quales facti fuerint in ipso primordio suæ conditionis: & quatuor quidem Angelis videntur esse attributa initio substantiæ suæ, scilicet essentia simplex. i. indiuisibilis & immutabilis, & discretio personalis, & per rationem naturaliter insitam, intelligentia, memoria, & voluntas siue dilectio, liberum quoque arbitrium. i. libera inclinandæ voluntatis, siue ad bonum, siue ad malum, facultas. Poterant enim per liberum arbitrium sine violentia & coactione, ad vtrunlibet propria voluntate deflecti.

*attributa
ang. l. 1. 1.
A.*

CAP. Secundum. *Angeli sunt in attributis illis inæquales, & in aliis æquales.*

Illæ igitur essentiæ rationales, quæ personæ erant & spiritus, naturæque simplices, & ita immortales, differentem essentiæ te-